

حيات

اداره مرکزی :

آنقره ده ، استانبول جاده سنده آنقره
معارف امینکی یاشده کی داڭره

استانبول بوروسى :

استانبولده ، باب عالی جاده سنده رسلی برشقه
اداره خانمسی داخلده کی داڭره
تلفون : ۳۶۰۷

نومرسی هر برده ۱۰ غروردر .

سنه لکی پوسته ایله ه لیرا .
(اجنبی مملکتلر ایچین ه دولار) .

ایونه واغلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آنقره مرکزیدر .

هیانه دایما هیانه... دایما راهلر هرور حیات قاتلم...!

- نیجه -

۱ نجی جلد

آنقره ، ۶ کانون ثانی ، ۱۹۲۷

صافی : ۶

یکی منه

انقلاب و مجدد لرله دولو بر سنبی راهلر آرقامزده برادره ، « حیات » یکی بیلی محترم قارئینه تبریک ایدرکن
۱۹۲۷ سنه نیک علم و صنعت دایم سنده مملکت ایچونه فیضلر کتیرمسی نمئی ایدر .

مصاحبه

قوتلی منور زمره نصیل یتیشیر

هر اجتماعی انقلاب بر طاقم باغلی قیرار ،
فعالیت و دوشونجه ایچون کنیش بر ساحه یار اتیر ،
بو ساحه ایچنده بوتون امکاملری تحقق ایتدیرمک
یتیشه جک کنج نسللره عاڭد بروطفه اولور .
تورک بویوک انقلابنک فیض و ثمره سندن مملکتی
تماماً استفاده ایتدیرمکده بو کونکی عرفان
مؤسسه لریمزدن یتیشه جک منور زمره نیک ایشی
اولا جقدر . اونک ایچوندرکه استقبالک منور
زمره سنی اک ایی بر صورتده حاضر لاق بو کونک
چوق مهم بر معارف مسئله سیدر .

تورک انقلابی قارشینده ارتجاع تهلکه سی
یوقدر . بوقادار روحاً دیکشمش بر مملکتک
ماضیه رجوع ایتمه سی ممکن دکدر . اصل
تهلکه یکی یتیشه جک نسلک انقلابک آج دینی
یولده قوتله ، سرعتله یوروپه مه مارنده ، مملکتی
مدنیت ساحه سنده اک یوکسک مرتبه یه چیقارا .
مامه سنده در . بو تهلکه نیک اوکنی آلمق ایچون
منور زمره یتیشدیره جک اولان عرفان مؤسسه
لریمزک معناً چوق قوتلی اولماسی اقتضا ایدر .

اولمایان ، بر مفکوره اوغرندمه شدید بر
فعالیت قابلیتته مالک بولونمایان منور بر زمره
تورکیه کی هر ساحه ده یکی ابداعلره محاج
بر مملکتده وظیفه سنی یاپاماز . ذاتاً اجتماعی برغایه
معطوف اولمایان تربیه و تلقینک نه قیمتی واردر ؟
شو حالده عرفان مؤسسه لریمز بوتون قوتلری
اجتماعی برغایه اوغرندمه صرف ایدمه بیله جک کنجلر
یتیشدیرمک مجبوردر . بوغایه یی انقلاب چیز مشدر :
تورک ملتیی هر ساحه ده اک یوکسک سویه یه
چیقارمق ؛ غرب مدنیتی ایچنده اک مرفه ،
مادی و معنوی قدرت اعتباریله اک مجهز برحاله
کتیرمک . . . منور زمره نیک بوتون فعالیت
بوملی مفکوره اطرافنده طوپلانمق ایجاب ایدر .
ایشته متفکر و طنشداش یتیشدیره جک اولان
مؤسسه لریمزک تربیه ده استهداف ایلیه جکی غایه . .
فقط بو کافی دکدر . قوتلی بر منور زمره
یتیشمه سی ایچون دونه نظر آتدیرس سیسته منده ده
اساسی بر تبدل لازمدر : بو تبدلک اک مهم
اساسی کنجلرده مشاهده ، اک کنیش معناد ،
تجربه قابلیتیی آرتیرمقدر هر کس اطرافنده کی
اشیایه ، حادثاته باقار . فقط انحق معین علملرله
تجهیز ایدیلن دماغلرده مشاهده قابلیتی حاصل
اولابیلیر . هر هانکی درجه ده اولورسه اولسون
هر نوع تدریسک اک مهم هدفی اشیا و موجوداته ،
حیاتی حادثه لره قارشى مشاهده قابلیتیی آرتیرمق

بوقوتی بالخاصه معلملریمزک انقلاب مفکوره سنی
کنج روحلره تلقین قابلیتنده و تدریس و تربیه
سیسته منده آرامغه مجبورر . انقلاب قیصه بر زمانده
تورک ملتیی اک یوکسک مدنی سویه یه چیقارمق
مفکوره سنی روحلره آشیلامشدر . زمره ده
یوکسک ملی بر فعالیت کورورسه کز همان هپسنگ
محركی بو مفکوره در . معلملر بوایده آلک هیجانی
کنجلره قوتله تلقین ایدمه بیلملیدر لر . کنجلر ده
مکتب صیرالرنده تورک ملتیک هیچ بر ساحه ده دیکر
ملتلردن اشاعی موقعده قالماسنه تحمل ایدمه یه جک
وجهله یتیشدیریللی ، اولنره مادی و معنوی قوتلری
بو یوکسک املک حصوله حصر ایتمک هیجانی
آشیلمالیدر .

مشروطیتک ایلک سنه لرنده تربیه مسئله لرله
اشتغال ایدنلر تربیه و تحصیلک هدف و غایه سی کی
اک اساسی مسئله یی بر اقللر ، یا خود تماماً مجرد
بر فکری ، تربیه نیک اک اساسی محوری کی
کوستر مشلدر . بو ذاتلره کوره تربیه چوجو قلرده
و کنجلرده « انسانی ملکه لره متناسباً انکشافه
خدمت ایتمکدر » . . . فقط بوانکشاف نه ایچون ؟
کنجلر تربیه و تحصیل ایله اکتساب ایلیه جکلری
قوتی برغایه اوغرندمه قوللانمق بیلمدکن صورکرا
اونلرک بیلکیلرندن نه فائده حاصل اولابیلیر ؟
بویله بر غایه نیک هیجانی دویمایانلرده شدتلی
فعالیت اولاماز . قوتلی بر حیاته صاحب

عننه پرستلک ، ملیتپرورلک

انقلاب و اصلاحلرک ضروری اوله رق وقوع بولدی دورلده اولنلرک روحنی، هدفنی حقیله ادراک ایدمه یه رکه کړیده قالان برطاقم انسانلره تصادف ایدرز. بوللر هیئت اجتماعیه نك اخلاق وعاداتنده حصوله کلن تحوللره عادتاً حیرتله باقاراق محیطلرینه و ملتک عمومی روحنک افاده سته انطباق ایدمه جکلیری برده کندی قابلیری ایچنه چکیلوب متحرسانه ماضی به ربط نظر ایدرلر، واکا یا پشوب اوندن اکثریا صمیمی اوله رق مدد اومارلر. بو کیلر اهتدا ایدنجه به، یکی روح و ذهنیه آلیشنه به قدر جمعیت ایچنده منی بررول اوینامایه محکومدرلر. اولنلرک ملیتپرورلک آلتنده کیزله ن ماضی و عننه پرستلکاری انقلابک عمومی حمله لرخی اولسه بیله حیات عادیه و روزمره ده کی سیر و تأثیرنی اشکال ایدر.

بو انقلاب جاهلی انسانلرک بر قسمی فطرتاً محافظه کاردر. اولنلرک دماغلری اوتدنبه ری آلیشمش اولدقلری هر هانکی بر چرچوه نك خارجنه چیمغه، عصرک ترقیاته کوره دوشونمکه قطعاً مساعد دکدر. بوللر نهایت انقلابلرک مدهش سیلی اوکنده یو وارلا نوب کیتکه محکوم مستحاثه لدر. باشقه برشی دکدرلر. دیگر قسمی تشکیل ایدنلر ایسه اسکی حیاته حائز قیمت برر کیت ایکن انقلابک یاراتدینی یکی حیاته حکمت وجودی قالیان و بو صورتله شخصی و یازمره ری منفعللری خللدار اولان کیمسه لدر که بوللر قناعتلرنده صمیمیت کوسترمز لر. و منفیلکاری، منفعللرخی تأمین ایتدقلری آتده نهایت بولور. بزجه بو ایکی زمره نك تنویری و حیات تلقیلرینک تصحیحی فائده لی کورونمکه برابر، اکه زیاده دوشونیه جک نقطه، بوللرک تلقیناته معروض قالمسی احتیالی اولان خلکک اکثریتیدر. بو اعتبار ایله ملیتپرورلک ایله ماضی و عننه پرستلکک، و حتی ایلک باقیشده ایی کورینه ن بعض ملی عادتلرک ماهیت و مناسبتلری حقنده حسب حالده بولونمق فائده دن خالی دکدر.

انسانیتک بو کونکی درجه منیتته کوره ملت حدودلرینه انحصاری آرزو ایدیلن جمعیت و دولت حیاتک تعالی و انکشافی، فردلرک محصله آماتی تشکیل ایتسی لازم کلن ایلک هدفدر. فرد سعادتنی، رفاهنی دولتک رفاه و سعادتنده آرایه جقدر. و اساساً آنجق بو صورتله تأمین ایدیلن فردی سعادتلر تام و دوامی اوله بیلیر. ملیتپرورلک انسانک منسوب اولدینی ملت و جمعیتی سومک دیمک اولسه نظر آ بو سوک ملت حیاتک یاشایان بتون مفکوره لرینه شامل اولمیدر. اوحیاتک بو کون ایچون قیمتی قائمشمش اولان چرچیوه لرینه، دوشونوش و کوروش طرز لرینه صرف حسی بعض سبیلر ایله صاپلانوب قالمق ملیتپرورلک دکدر.


آنجق جمعیت حیاتک ایچون بو کون حائز قیمت اولان و یاشایان مفکوره لری نصل تمیز ایتلی؟ تورک انقلابی و اونک مبدعی بیوک غازی ملتیزک سیاسی، اقتصادی، و اجتماعی حیاتک انکشاف و ترقیسی

علمی ذکا اولماسه بیدی ما کینه ده اولمایه جقدی. شو حالده علمک اک شایان دقت کشفلریله عمومک رفاه و سعادت آراسنده متقابل بر تابعت واردر. ما کینه یی شیمدی به قادر کننیمز استعمال ایتمه دیکمز ایچون خراجکداری اولقندن قورتولامادق. اسارتلی وضعیتن تام معناسیله قورتولمق، اونکله چالیشمغه توقف ایدیور. بونده موفق اولدقچه استحصالامز آرته جق و بونک ایلک ثمره سی، آوروپاده اولدینی کی، فضله تصرف اولاجق و کیت کیده آرتق کندی کننینه ایشیه جک و هر کون فیض و قدرتی آرتدیره جق بر معارف ما کینه سته صاحب اولاجمز.

علمی ذکا، ما کینه یی، ما کینه ده سرمایه یی یاراتمشدی. آوروپا لیوم بوسرمایه نك محدود بر صنفدن زیاده عمومک رفاهنه خادم اوله سنی تأمین ایدمه جک چاره لری بولمق پشنددر. بز ایسه اول باول سرمایه به صاحب اولمق احتیاجنده یز. بونک ایچون ده اک برنجی چاره، ما کینه دن اعظمی درجه ده استفاده ایدمه بیلیمک اولاجقدر. یوزسنه دن بری جمعیتیزک موازنه و استقراری دها جوق تورک روحنک امثالیز قهرمانلق و فدا کارلنی سایه سنده اولمدر. ما کینه ایله یاشامقده تکمل ایتدقچه بوکا برده علمی ذکا و پاره کی زمانمزه الزم مسندلر انضمام ایدمه جکدر. حالده و استقبالده اک مهم مسئله من، ذهن و آل ایشیلرمنک جوق مهم بر قسمی بو غایه به حاضر لاق و بوللری یاشانه جق و قوتلندیره جک تدبیرلره مشغول اولقدر. دییه بیلیرم که «جون احمد» و بوکا مماثل برطاقم تورک کنجلیرنک مخیل ما کینه لر ایجاد ایتک احتراصنه قاپیلله لری معشری وجدانده سزیلن بو احتیاجک تیپک برطاقم اعراضیدر. بوللر اوله علامتله استخفاف و استهزا دکل، قانالیزه ایدیلک ایست. بوللرک کافه سنک مجنون، شارلاتان اولدقلرینه حکم ایتک جوق قولاید. فقط ظاهرده اک معناسز کوروش اعراضک نه درین و حقیقی تمایللرک نشانه لری اولدینی بو کونکی روحیاته ثابت اولمش بر حقیقتدر. قهرمان کنج ضابطلرمنک بونجه تهله کله لرینه رغماً طیاره به جان آتمه لرنده، وطنک سلامتی ایچون الزم کوردقلری ما کینه عشق و اوکا حاکم اولمق احتراصنک مهم بر موقع طوتدینی اعتقادنده یم. فاتح بارقنک شهید طیاره جیلر آبدیه سی، وطن عشقیله برلکده ما کینه سوداسنک ایلک قربانلرندن باشقه نه یی تمثیل ایدر؟

مصطفی شکیب

دارالفنون روحیات مدرسی



یایقی ایسته یی عالمه لک قاتلاننه جقلری فدا کارلق جوق آرتمدر. ممکن مرتبه رفاه تأمین ایدمه یی برعائله بو وظیفه سنی آرتق یاپه میور. منوریتشدره جک عائله رئیس لری بو کون فکری مساعیلرینی مع التأسف تماماً حسی بر مفکوره ایله یاپه مایه جق بر اقتصادی وضیت ایچنده درلر. عینی زمانده حکومتلرک مصرفلری ده فوق العاده آرتمدر. مأمورلرینی ایسته دیکی کی ترفیه ایتمه سته مانع اولاجق بو یوک تعمیرات و تأسیسات مصرفلری جیمه مشدر. آل ایشیلری، تشکیلاتلری سایه سنده و تعمیرات دولایسیله کننیلرینه توجه ایدنه رغبت نتیجه سنده اجرلرینی چوغالتوب مساعی ساعتلرینی آزالندیرمق صورتیه معیشت بهالیلغنی بدبتون آرتدیرمشلردر. آرتق ذهنی ایشک اولجه اولدینی کی فخری و یاتاماً حسی یاپیلله سی بک کوچلشمدر. اونکده آل ایشی کی صاحبی بسایه جک بر صورتده اوده نهمه سی و دها جوق حالاً عملی غایه لری تعقیب ایتمه سی ایجاب ایدیور. فی الواقع ذهنی ایشلرک بر جوقلری حقیقی قیمتلریله اوده نه میه جک کییدر؛ هیچ بر جمعیت بواشلری تام معناسیله اوده نه میه من؛ بوللرکده فابریقه معمولاتی کی ممکن مرتبه اهورنکده یریلله سی لازمدر. فقط فضله اولارق ذهنی احتیاجلر مادی احتیاجلر قادر مبرم و صیقه شدیر برنجی اولسادقلرندن منورلرک مساعیلرینی بهالی به صاتمغه چالیشمه لری کندی منفعتلرینه ده وفاق اولماز. بالکیز هیچ کیمسه منورلره آرتق آنقاریه و یا فخری ایش تکلیف ایتمه ملیدر.

سرمایه نك بر وظیفه سی منوری قورومق، منورک وظیفه سی ده سرمایه نك انکشافه یاردم ایتکدر. هنوز نه مادی، نه ده معنوی سرمایه نك باش دوندوره جک و بحرانلر تولید ایدمه جک شاهقه لرینه ایریشمه دیکمز ایچون سرمایه ایله فکری و عملی ایش آراسنده اوروپاده کوروان حاد رقابتلره معروض دکلز. بو اعتبارله بواوچ قوت مملکتیزده بر بریه متساند اولغه و عصری ملتله همپایه اولایله جک بر سوبیه کلینجه به قادر تقلیدچی محاسبه لردن صاقینه رق آل برلکیله چالیشمغه محتاجدرلر. هر کس کندی ساحه سنده اعظمی درجه ده مفید اولغه مجبوردر. جمعیتلرک رهاسی و مدنیتلرک ظفری دائماً اوزونجه بر مدت مشترک بر مفکوره اطرافنده جوالیتله ممکن اولمدر. افتراقلر و مختلف غایه مصادمه لری جمعیتلرک بو یوک و قورقونج ایش بولوملری هنگامه لرنده تجلی ایدر. آوروپاده کوردیکمز بو قبیل جریانلر بزم داخلی سیاستمزدن زیاده خارجی سیاستمزی علاقه دار ایدمه جک مسئله لر اولابیلیر.

اوت، مادی بر استنادگاه اولمادقچه ذهنی سنی ممکن دکدر. بوکامقابل مادی استنادگاهی ذهنی سیمک یاراتدیفنده شبهه یوقدر. بو کونکی حیاتک بوکسکاک و کنیشلکنک اک برنجی عاملی ما کینه اولمدر. فقط

ايچون تعقيب ايديله جك يوللري و واريله جتي هدفلري بك اعلا كوتستر مشدر . ديكر ملتله اولدين كبي تورك هيت اجتماعيه سيده نهايت اك اي، اك دوغرو واك كوزل برشكل حيات ياراتق ايچون اوغراشمقده و بو هيجان ايله چاليشمده در . فردى و اجتماعى اخلاقز ، عادتلرمن ، مؤسسه لرمن آنجق بو غايه نك تحققي ايچون يادقلري مثبت و منفي خدمتك درجه سيله تقدير ايديله بيلير . ملتر هرياشايان وارلق كبي تكامل ايتدكه عضويتلرندن لزومسز كورولن بعض شيللري آغغه و بوكا مقابل احتياج حس ايتدكلري ديكر بعض شيللري آلفه مجبوردرلر . ملتك حياتنده بر زمانك احتياجنى و شكل حياتنه توافقي ايتكده ايكن بالاخره بيكي حيات شكللرينه اويمايان و بو صورته مانع ترقى برماهيت آلان قيمتلري ترك ايتكده تردد كوسترمه يز . ماضى شايان حرمت ايسه ده « حال » ايچنده اوكا اولكي رولنى اويئاتق امكانى يوقدر . بوكون نصل تورك كنجلري ، - قيز واركك - بيوك بانا و آنه لرمن كبي كينمه نك كولونج برشى اولديغنى تصديق ايديبورلر عادت و دوشونجه لرمنك ده عيني تحول و تكامله معروض قالىسى لزومنى ادراك ايتلدرلر . قياقت و شكلده كي تبدل ، ملتك عناصر اصله سته اجراي تاثير ايدمه جكي كبي عادتلرك ، ياشايش و دوشونش طرزلرينك ده دكيشمه سى عيني ماهيتى حائزدر .

مدنى ملتلك تكاملى تاريخنى تدقيق ايدرايسه ك ، اونلرك هويت مليه لرني غائب ايتكده مزين مختلف جمعيت صفحه لرندن كچه رك بوكونكي حاله كلكلري كورورز . البت اسكى زهرملتلك طرزه حياتى ، اخلاق و عاداتى ايله بوكونكي آلانلرك احوالى آره سنده داغلر قدر فرق واردر . و بوكون آلانلر هيچ شبيهه سز حيات شكلى اعتباريله ، زهرملتلدن زياده بالفرض فرانسزلره ده زياده بكره درلر . بويله اولقله اونلر هويت مليه لرني ضايعى ايتملدر ؟ شبيهه سز كه خاير !.. ملترو روحى تكامل اعتباريله آز جوق فردلره بكره درلر . بر فرد حياتك دوامى مدخه هويت شخصيه سنى محافظه ايتكده برابر ، مختلف تكامل دوره لري كچيرير . كوچك ايكن ، كنج ايكن ، سن كالمه ايكن مادى و معنوى احتياجلرى آبرى آبرى اولور . ملترو ايچون ده بويله در . تاريخنك بر صفحه سنده بر ملت ايچون لزوملى كورولن برطرز ، بر عادت ، باشقه بردورده تركى لازم كلن برشى اولور . يالكز ديكر ملترو بونلري كله جك نسللرك تنويرى ايچون تاريخلرده ويا موزه لرده صاقلارلر .

انقلابلر ماهيت اعتباريله جمعيت حياتك تكاملنه مانع تشكيل ايدن و منفي بر رول اوينامقده بولنان قيمتلرك و حيات تلقيلرينك تركى ايله اوتكامللى تسريع ايديله جك اولان بيكي قيمت و تلقيلرك قبول و تطبيقدن باشقه بر شى دكلدر . اكر جمعيت حياتى عصر ك انجابهانه توفيق حركت ايدرك قبول و تركى لازم كلن شيللري وقتنده كوره بيلسه ايدى ، انقلاب صارسيتيسيز اولوردى . نته كم حياتنه بك پراتيك و شافى كوروش صاحبي اولان آنغلو ساقسونلرده انطباق بويله ساكن و ساكت برشكله وقوع بولقده در .


انقلاب بر ياشامه و بوندن دهافضله اوله رقى بر يوكلمه حمله سيدر . بو حمله يى يابان ملتك بتون فردلري اونك انجابهانى قبول ايديله جكلدر . استقباله باقاجق يرده ماضيه دونه رك ، ارك محكوم زوال اعتيادلرينه متحسرانه آه ! چكك هم بيهوده در ، وهم ده ملت و وطنپرورلكه منافيدر . ملتپرورلكى ، عنعنه پرستكدن زياده انقلابك انجابهانه انطباق ايتكده آرامالى يز . حتى اودرجه ده كه بوكون ظاهراً هر زمان ايچون اين كورولن بعض خويلرمن ، فردى و اجتماعى خصلت و عادتلرمن بيله جمعيترك ترقى و انكشافى نقطه نظرندن شكللرينى دكيشديرمك مجبوريتنده در . مثلا تورك مسافر پرورد ، طبعاً جوهر د و مرحتلدر . خير ايشله سنى سوه . بوكونل خويلرك دوام و انكشافى هيچ شبيهه سز لازمدر . آنجق بونلرك جمعيت حياتى دوچار ضعف ايتمه جك و بالعكس اونى تقويه ايله جك صورتده اجتماعياشملري انجابه ايدر . اسكى افطار و دوكون ضيافت و دعوتلري شكلنده كي مسافر پرورلك و سخاوت بوكونكى اقتصادى ضرورتلر ايله قابل تأليف دكلدر . ينه بونك كبي ديلنجيلره و فقرانامى آلتنده كي مسكينلره فردى معاونتيلر ياباراق مرحت كوسترمك ديلنجيلكى و مسكينلى تشويق ديكدر . اصل جمعيت حياتى بوشكلده ياپيلان خيرلردن بر فائده كورمك دكده ماعدا متضرر بيله اولور . حالوكه وطنداشله يارديم و معاونت آرزوسى هلال احمر ، حمايه اطفال ، دارالعهزه ... كي مؤسسه لره تبرع شكلنده تظاهر ايدر ايسه مقصد حصوله كله جكي كبي حيات اجتماعيه مزده تقويه ايدلش اولور . مدفز ، عمومى سعادت ايچنده فردى سعادتى تأمين ايتك اولديغنه كوره دولتچيلك و جمعيتچيلك دوشونجه لرنيك تكاملنه خدمت ايدن بو طرز حركت ضروري در .

آنجق بو انطباق واديسنده تفریطدن افراطه دوشمه مكه دقت ايدليلدر . برعكس العمل نتيجه سى اوله رقى اسكى حياتمه متعلق نه وارسه بلاتدقيق ، هپسنى بردن آتيويرمك بعض مهلك بوشقلر وجوده كتيره بيلير . انقلاب مفكوره لرنيك تحققة مانع اولقى شويله دورسون اونى تسهيل ايديله جك قيمتلر اسكى حياتدن مدور اولسه بيله محافظه ايدلمكه لايقدرد . واصل بونلردركه بر ملتك اجتماعى حياتنده كه نت وظيفه سنى كورهن عنعنه لرى تشكيل ايدرلر . لسان و مشترك خاطره لك حكايه جيسى اولان تاريخ بونلرك اك مهملرتنددر .

تجدد و ترقى قصديله تعقيب ايديله جك يوللرك ماهيتى حقنده بزي تنوير ايديله جك معيار ملت و دولت ك سلامت و رفاهندن باشقه بر شى اوله ماز . بوراده شخصى ذوق و آرزولرك برى يوقدر . بوندن باشقه تجدد ، حياتك قابنده ، ظاهرى شكلنده اولقندن زياده اونى وجوده كتيره ن اصلى عنصرلرده وقوع بولميدر . بوده آنجق وطنداشلك دولت و جمعيت حياتنه شيمدى يه قدر اولديغندن دهافضله علاقه كوستره رك اونك مفكوره لرينه ، دماغلري ، اراده لري ،

حسلى ، خلاصه بتون شخصيتلري ايله انطباق ايتكه چاليشملري ايله ممكن اولور . بوكون بزي مدنيت و ترقى بولنده توقيف ايديله جك استبداد و تعصب كبي سياسى و دينى مانع لر موجود دكلدر . يالكز انقلابى آكلايه مامقندن ويا خود منحصرأ شخصى منفعتلري دوشونمكدن متولد منفي ذهنياتلر واردركه ايشلك آرزو ايديلن اجتماعى نظامده دوامى آرزوق اشكال ايديبور . وطنداشلك اجتماعى و اسى تربيه لري ايلرلديكه بو شعورلى ويا شعورسز فردى مقاومتلركده زائل اولاجفنه شبيهه يوقدر .

زكى مسعود



ده قرولى مكتبي

۴

برو غرام و موز

چوجوق ايچون بيلنمى اك زياده حائز اهميت اولان شى بالذات كنديسيدر . ناصل اعمال ايدبلشدر ، هراعضاسنى ناصل قوللانيور ؟ ناصل بيور ، تنفس ايديبور ، اويويور ، چاليشيور ، اوينايور ، حواسندن ناصل استفاده ايديبور ؟ نهدن آجقيور ؟ صوصايور ، اوشويور . اويقوسى نهدن كليور ؟ نه ايچون قورقويور ؟ نهدن قيزيور ؟ اينى و فنا خويلري هانكيلير ؟ كبر ، غرور ، خود پسندك ، قيصقانچلى ، انتظامسزلىق ، تامللك كندينه نه لرغيب ايتديرر ، وقار ، عزت نفس ، چاليشقانلى ، دوغرولق ، جبارت ، صميميت ، ثبات و غيرايديشلك نهلر قازانديرير ؟

خلاصه هرشيدن اول چوجوغه كندينى لايقيه طامتق لازمدر . اوندن صوكراده ايچنده يشاديني محيطله و عالم خارجى ايله تماسه كتيرمه لى ، محيطى چوجوغك نقطه نظرينه كوره آلاملى ، اونك حياتيله علاقه دار اولمايان شيلري براقالى . محور حركتى چوجوغك احتياجلرى تشكيل ايتمه لى . كرك طبيعت ، كرك جمعيت اونى تظمين ايچون نه وجوده كتيرمسه هپسنى نظردقته آلاملى .

به سوزلر به قارشى نه دوشونديك كزى كشف ايدر كبي اوليورم . « بو سويلدكلر كرك هپسى بيكي پروغراملرده وار » فى الحقيقه عرض ايتك ايسه ديكم شيلرك هپسى پروغراملرده واردر . اونى بنده انكار ايتيورم ، يالكز شوفرقله كه نم غايه م بوتون مواد درسيه آراسنده بر آهنگ و بر رابطه تأسيس ايتكدر . اونلرك هيت عموميه سنى بر مكردن اصدار وينه بر مكره ارجاع لازمدر . اولجه ده عرض ايتشدم . هر شى چوجوغه توجه ايتمه لى و صوكره هر شى چوجوقدن تشعب ايتمه لى ... نازك اولان نقطه بودر .

تعليم و تربيه من فعاليت دماغيه نك جمله جه معلوم اولان اوچ مرحله سته استناد ايدر : انطباق (Impression) ، تكون و تئلل (E laboration) ، افاده و يا معنا (E xpression) ؛ بونلردن برنجيسى ال